

EXTRACTO DA CONVOCATORIA

1.- Beneficiarios.

Para ser persoa beneficiaria desta axuda é preciso cumprir os seguintes requisitos:

- 1) Cursar estudos nalgún dos seguintes centros de ensino para os que se solicita a axuda:
 - a) INFANTIL E PRIMERIA: Todos os centros públicos do Concello de Vedra.
 - b) ESO: CPI de Vedra.
 - c) FP: Calquera centro público de Galicia
 - d) BACHARELATO: Calquera centro público de Galicia
 - e) UNIVERSITARIOS: Calquera universidade pública galega, agás que a titulación que estude non exista no Sistema Universitario Galego.
 - f) ENSINANZAS DE RÉXIME ESPECIAL-ENSINANZAS ARTÍSTICAS SUPERIORES: Calquera centro galego.
 - g) O alumnado cuxas necesidades educativas especiais impidan a súa escolarización nun centro ordinario do municipio, poderá solicitar a axuda para a asistencia a un centro de educación especial de Galicia

No caso de que o alumnado curse dous ou máis estudos oficiais, deberá escoller para cal deles solicita a axuda. No suposto de que non faga a elección, requiriráselle para que no prazo de 10 días comunique a súa elección. De non contestar decidirá a Comisión Avaliadora das axudas

- 2) A idade do alumando está comprendida entre os 3 e os 25 anos, ambos incluídos
- 3) Que a renda per cápita non supere os límites establecidos na base 6ª da presente convocatoria.
- 4) A persoa solicitante e a beneficiaria da axuda deberán estar empadroada no Concello de Vedra no momento de presentación da solicitude e ser fillo/a dependente economicamente. No caso de que a persoa solicitante sexa menor de 25 anos e desenvolva actividade laboral ou perciba outros ingresos, poderá acceder a esta axuda, a tal efecto computaráselle ditos ingresos ao 50%.
- 5) Cumprir os requisitos para obter a condición de persoa beneficiaria, recollidos nos artigos 13 da Lei 38/2003, do 17 de novembro, xeral de subvencións e no artigo 10 da Lei 9/2007, do 13 de xuño, de subvencións de Galicia.
- 6) As axudas serán solicitadas polos representantes legais do alumnado: os pais/nais, tutores/as e representantes legais. No caso de alumnado de entre 18 e 25 anos poderán facelo tamén as propias persoas beneficiarias.
- 7) Poderán ser persoas beneficiarias da axuda de transporte os estudantes que non contan con transporte gratuíto aos seus centros de ensino e os que non reúnen as condicións necesarias para ser bonificados pola tarxeta de transporte metropolitano nin para ser titulares da tarxeta xente nova para menores de 21 anos. Para poder acceder a este tipo de axuda a persoa interesada deberá declarar responsablemente non reunir as condicións para ser beneficiaria do transporte bonificado e non dispoñer de transporte escolar gratuíto, mediante a sinalización deste extremo e firma na declaración responsable recollida no Anexo I. O alumnado que pode acceder á axuda ao transporte deberá cursar algunha das seguintes ensinanzas:

- a) Formación Profesional.
- b) Bacharelato.
- c) Estudos universitarios.
- d) Ensinanzas de réxime especial.

2.- Obxecto e finalidade

A presente convocatoria pública de subvencións terá como obxecto a concesión de axudas de estudos destinadas a favorecer a escolarización pública e a formación universitaria e profesional en familias do Concello de Vedra.

Establécense dúas modalidades:

a) Axuda ao ensino: Destinada á adquisición de material escolar. O contido desta axuda especificase no Anexo II das presentes bases reguladoras.

b) Axuda ao transporte: Destinada ao uso de transporte para acudir ao centro de ensino correspondente.

Estas axudas enmárcanse dentro do Plan estratéxico de subvención (PES) do concello de Vedra para o período 2024/2026 (BOP núm. 4/24, do 04 de xaneiro), concretamente na liña 1 “Asistencia social”, apartado 1.4 “Material escolar e transporte”

3.- Bases reguladoras

A presente convocatoria incorpora as bases específicas que conteñen as regulacións particulares do procedemento de concesión, de acordo coa posibilidade prevista no artigo 23.2) da Lei Xeral de Subvencións

Será de aplicación na tramitación e resolución das mesmas a Ordenanza xeral de subvencións do concello de Vedra (BOP núm. 183/23, do 25 de setembro)

4.- Lugar e prazo de presentación de solicitudes.

As solicitudes poderán presentarse a través da Sede Electrónica municipal (<https://sede.vedra.es>), no Rexistro Xeral do Concello de Vedra ou por calquera dos medios previstos no artigo 16.4 da Lei 39/2015, do 1 de outubro (LPACAP)

O prazo de presentación de solicitudes será de 20 días hábiles contados a partir do seguinte á publicación do extracto da convocatoria no BOP

A documentación a presentar figura na base terceira das reguladoras da convocatoria.

5.- Crédito e importe das axudas

Importe máximo da convocatoria: 10.000 euros

A contía das axudas figura na base quinta das reguladoras da convocatoria

6.- Valoración das solicitudes

A valoración das solicitudes farase de acordo co establecido na base sexta das bases reguladoras da convocatoria

7- Outros datos

O día da publicación do presente extracto no BOP procederase á publicación do texto íntegro da convocatoria na páxina web municipal (www.concellodevedra.es) e no taboleiro de anuncios da sede electrónica (<https://sede.vedra.es>), así como dos modelos aos que deberán axustarse ás solicitudes

Vedra, 11 de outubro de 2024

O Alcalde

Asdo. Carlos Martínez Carrillo